

الحلال أحلى | د. شريف طه يونس

شريف طه يونس

طيب الحاجة الثانية اللي احنا عشانها اتكلمنا في القصة دي ان احنا نلضم مع مع اخر حاجة قلناها في المحاضرة اللي فاتت. فاكربين احنا لما بدأنا الحديث عن القصة بتاعة سيدنا - [00:00:00](#)

موسى صلى الله عليه وسلم مع مين مع الفتاتين خلاص؟ الفتاتين دول هما بيسموهم النتائج الشرعية الحقيقة القرآن ما قلناش الفتاتين دول الفتاة دي اسمها ايه؟ حد عارف اسمها؟ طب الثانية كانت اسمها ايه؟ يعني منى وامنية مسلا - [00:00:10](#)

ما نعرفش يعني مش عارفين اسمه ما نعرفش دي اسمها ودي اسمها ايه؟ صح؟ طب اسم ابوها ايه ما نعرفش برضو طب ليه لان مش مهم انا اسمي ايه عند الناس. المهم اسمي ايه عند ربنا - [00:00:31](#)

مش مهم الهندسة عارفاني ولا مش عارفاني المهم ان انا ربنا يكون عارفني مش مهم الناس تدري المهم ربنا يدري ان انا عملت الخير ده. طبعا للاسف بقى نلاقي مسلا بعض الايه البنات مسلا يتفقوا مع بعض. ويروحوا مسلا - [00:00:50](#)

يجمعوا شوية فلوس ويجيبوا شكل هدية جميلة ويروحوا يزوروا ده ايتام مسلا فتيجي تقول لها تسلم على البنات وتقول لهم انا اسمي آآ انا اسمي مسلا مي ها اسمي مي اسمي مي كذا كذا عشان خاطر يعني وبعدين تعالي خدي ناخذ معك سيلفي - [00:01:06](#)

مي تشعر بالسعادة في دار اليتام وبعدين تروح كنت فين يا مي؟ الحمد لله يا ماما نسأل الله الاخلاص كنا بنروح نزور اليتام في الدار اللي هي جنبنا دي احنا يعني بصوا احنا بنعبد رب الناس ولا بنعبد الناس؟ والله متأكدين من كده؟ اه. متأكدين؟ ايوا. طب - [00:01:21](#)

ما تنسوش ما تنسوش النهاردة لو انت بتعملي الحاجة دي عشان خاطر ماما يشغلك ان صاحبك تفيدة تعرف؟ ابو تفيدة تعرف ليه؟ انت يهكم مين؟ طب لو تفيدة عرفت امك ما عرفتتش - [00:01:42](#)

يا فرحتك طب لو لو امك ما تحبش ان ده في ده صاحبك تعرف ان انت غزلتي لها المواعين تروحي تقولي التنفيذ ان انا غسلت المواعين ربنا ما يحبش ان احنا نقعد نسمع باعمالنا - [00:02:00](#)

من سماها سماها الله به. ومن رأى رأى الله به يعني زي ما انت بتسمعي باعمالك الحلوة لما تدملي الصفة دي ربنا يعاقبك من اعمالك الوحشة تظهر فيسمع بك عشان كده يا بنات ركزوا - [00:02:18](#)

الناس الصالحين كان عندهم خلق جيد قوي كانوا بيكتموا حسناتهم زي ما بيكتموا سيئاتهم احنا نحب سيئاتنا نتعرف احب اخذ سلف مع سيئاتي بحب اتصور جنب سيأتي واقول لا يشعر بالانجاز؟ نحب نعمل كده؟ ما نحبش نعمل كده. بنكتم سيئاتنا صح؟ نكتم حسناتنا - [00:02:40](#)

تركتما ليه يا عم ما انا عايز افرح وافرح الناس انت بتعبدني الناس ولا رب الناس؟ يبقى ما يهكميش الناس مش دي المشكلة بس مش دي المشكلة المشكلة ان ده ممكن يتسبب في ان عملك يحبط اصلا ربنا ما يقبلوش. واعلموا ان الله آآ ان الله - [00:03:01](#)

الا يقبل من العمل الا ما كان خالصا وابتغي به وجهه المشكلة ان ده بيغضب ربنا. يبقى انت اساسا كانك ما عملتيش حاجة. كانه هباء مكسور في الاخير. وده يا بنات اللي بيتسمى في دينا الاخلاص. اللي بيتسمى الايه؟ الاخلاص - [00:03:19](#)

ان العمل يكون ايه؟ يكون خالص لله. يكون خالص لله الحاجة دي خالصة يعني ايه لما يقول ذهب خالص يعني فيه فضة؟ فيه شوائب؟ عمل ده خالص يعني ايه؟ صافي ما فيش اي حاجة. عمل؟ صافي. الاخلاص والصفاء. عمل - [00:03:33](#)

طاقي لله. ما فيش اي شائبة خالص. مش شاغلة اي حاجة ثاني. فمعلش اتمنى ما تنسوش ان احنا بنعبد مين؟ رب الناس مش بنعبد

الناس. لذلك مش ملكيش الناس قالت ولا مقالتش هي انتي كويسة عند الناس المشخصة عند الناس ودي ازمة عندكم انتو كبنات على فكرة ازمة كبيرة جدا جدا ازمة في مجتمع النساء ككل انصراف الهمة للناس - [00:03:54](#)

انصراف الهمة للناس مشغولين قوي بالناس الناس هيقولوا علي ايه؟ طب انا كده شكلي حلو عند الناس؟ طب انا كده مش عارف الناس ايه؟ الناس ايه؟ تعبوني الناس. لدرجة ان انت مسلا - [00:04:15](#)

انت لبستي الحجاب اهو هتيجي تلاقي واحدة صاحبتك ايه؟ انت لسه صغيرة عملت في نفسك كده ليه؟ شكلك وحش قوي؟ ده انت كنت قمورة يا دعاء ايه اللي عملتيه في نفسك ده؟ مش عارف ايه - [00:04:25](#)

هتسمعي الكلام ده؟ فترجعي ماما انا متضايقه من الحجاب انا مش عارف هو اشمعنى ان انا يعني اللي البس الحجاب؟ ما البنات اهم براحتهم انتي لبستي الحجاب للناس ولا لرب الناس؟ - [00:04:35](#)

ما يشغللكيش ان الدنيا كلها ما يقفاش عاجبنا طالما ربنا راضي لان انت في النهاية كل الناس دي ما تغنيش عنك حاجة. وانت كده كده قاعدة في الدنيا ستين سنة مية سنة يعني. وفي الاخر هتقابلي ربنا اليوم عند ربنا بعد كده بالف سنة - [00:04:52](#)

وان يوما عند ربك الف سنة مما تعدون. اليوم انا تحسببش بس خمسين الف سنة. فالناس تقول اللي تقول وتعمل اللي تعمله وتخبط دماغها في الحيط مش مشكلة. ادي مثلا على سبيل المثال - [00:05:07](#)

انت في تالته اعدادي عايزة تزاكري عشان استطلاعي الاولى على مدرستك. ومسلا البنات بيقولوا لك ايه؟ بيقول لك ايه؟ ما تيجي نروح مش عارف دريم بارك قلت لهم بقى انا مش فاضي اصل انا عندي مذاكرة. قعدوا يغردوا عليك ايه البت الدحيحة اللي مش عارف ايه لكزا كزا اروح ايه؟ ادخلك مذاكرة تنفعلك. هيشغللك - [00:05:18](#)

بيهرجوا براحتكم. هتشوفوا مين اللي هيضحك في الاخر يبقى لو انت عاقلة لو مش عاقلة بقى حاجة تانية. صح؟ يبقى انت اهو في مصلحة دنياكي. في مصلحة دراستك همك ان حد عاجبه ولا مش عاجبه - [00:05:36](#)

مكاينش لما تأمين اللي يرضي ربنا ما يهمكيش حد طبيعي يحصل الكلام ده يعني مرة بنوتة صغيرة كلمتني كده كانت لبست الحجاب. وبتقول لي صاحباتي وببضايقوني ومش عارف ايه وكلام من ده. بيقعدوا يضحكوا علي ويهرجوا علي ويقولوا لي شكلك مش عارف ايه بقيتي عاملة زي الشوال. بقيت مش عارف - [00:05:50](#)

ايه الحوارات دي؟ طيب شوفوا يا بنات ربنا بيقول ايه بيقول ان الذين انزلهم كانوا من الذين امنوا يضحكون ان الذين اجرموا كانوا من الذين امنوا ايه؟ يضحكون واذا مروا بهم يتغامزون - [00:06:07](#)

انت بتبص لها وتقعده تضحك عليها. وبعدين ايه؟ اقوم انا عدت صاحبتك اللي عامل لي فيها شيخة ايه واذا انطلبوا الى اهلهم انقلبوا فديهم قالوا لي عايزين بقى مزبطين نفسهم وحاسين ان هم احنا اللي فاهمين الدنيا صح احنا اللي احنا اللي سعداء ومبسوطين. طيب بعدين ايه اللي حصل - [00:06:30](#)

فالיום الذين امنوا من الحفار يضحكون على الاراء اللي ينظرون. هل سئل الكفار ما كانوا يفعلون ما تنساش اليوم ده اللي فيهم بقى في ناس هتبكي وتصرخ في ناس بتضحك وفرحانة ومبسوطة وسعيدة - [00:06:50](#)

سيدنا نوح ربنا اوحى له انه يصنع السفينة. صح يصنع الفلك سليم طيب فهو في مكان صحرا يعني مش في مكان مسلا بقى ايه معدي عليه نهر النيل ولا جنبه البحر الابيض المتوسط ده صحرا - [00:07:10](#)

واحد في صحرا بيعمل سفينة الناس بتعتبره ايه؟ ايه ده يا عم؟ فهم كان كل ما يعدوا عليه يعملوا ايه؟ يسخروا منه يستهزئوا به طيب ايه اللي حصل في النهاية - [00:07:31](#)

مين اللي نجى ما تبصيش للحزة ما تبصيش تحت رجلك بص للي جاي بعد كده انت النهاردة النهاردة اه هي تضحك عليك بس انت اللي هتبقي سعيدة في الدنيا وفي الاخرة بعد كده - [00:07:51](#)

فاللي يعمل الصح يا بنات ما يشغلوش كلام حد انك بتعدي رب الناس مش بتعدي ايه؟ الناس مش بنقول كده قل اعوذ برب الايه؟ الناس انما اللي بتعبد الناس يبقى شاغلها الناس - [00:08:13](#)

تعاقبهم اللي عاجبهم الكلام ولا مش عاجبهم لأ ده بيهرجوا عليهم مش قادر استحمل اه ده بتقعدوا قولوا لي يا شيخة انا مش هسيبهم واقول لهم مش عارف اقوم اصلي عشان يقعدوا يهرجوا علي لا اصل انا صاحبتني - [00:08:32](#)

كلهم ما بيصلوش فعلا بدأوا يقولوا صلي بيتضايقوا اه لأ اصل انا هم ايووا صحباتي قعدوا يسمعوا المهرجانات وحمو بيكا وحسن شاكوش وانا ايه ما قدرتش ما اسمعش معهم ولو جيت اقول لهم يا ريدة انت معقدة وانت فيك وفيك وفيك - [00:08:42](#)

حب الناس ما بيشتغلوش ايه؟ الناس. وده يا بنات اللي اسمه الاخلاص الاسم الايه؟ الاخلاص. وده اصلا معنى اشهد ان لا اله الا الله مش احنا اتكلمنا عن اشهدوا؟ صح؟ نقول اشهد ان لا اله الا الله بمعنى يعني طالما انت قلت اشهد ان لا اله الا الله يعني انت عندك معناه توحيد المقصود - [00:08:57](#)

يعني مش شغلة الا ربنا ان يكون الله ورسوله احب اليهم ما سواهم لا سعادة في حد ذاته. وجد بان حلاوة الايمان فقال منها من التلاتة دي اول واحدة فيها ان يكون الله ورسوله احب اليه ما سواهم. هو احنا قلوبنا بايد مين؟ قلبك بايدك ولا حنة بايدك - [00:09:21](#)

بس سمع بقى الجو اللي قلت عليه انا قلبي مش بايدى مل الواد عتريس لأ قلوبنا مش بايدنا بايد ربنا لا بايد عتريس ولا بايد الشيطان بايد اي حد. الرومي بايد ايه؟ ربنا - [00:09:46](#)

بلدنا وهم وهم الاعداد ما فيش حاجة اسمها كده. ده وهم الايه؟ الاعجاب اصلا. انما ما فيش حاجة اسمها حبيته يا بابا ومش عارف ايه ومش قادر اعيش من غيره. لا تعيشي يا اختي من غيره زي الفل وتما عشرة على عشرة. سيبك من الهبل ده - [00:09:59](#)

انه كده كده كله ده دي مراهقة. مراهقة عاطفية مراهقة نفسية احنا عندنا في القرب فيه حالتين حاجة اسمها وحاجة اسمها ده الادمان. واحد مدمن على حاجة. واحد بيضرب حقن ماكس بياخد مش عارف ايه عافاكم الله. ده مدمن. هو جسمه الادمان في - [00:10:13](#)

حاجة اسمها يعني في اعتماد من الجسم على المادة اللي ادمنها دي. فلما بيوقفها بيحصل ايه جسمه مشاكل في جسمي لانه اعتمد على المادة دي. طيب في حاجة اسمها يعني عارفة مسلا والدتك في البيت لما تقول لك انا لو ما شربتش كوباية الشاي الصبح بازلع. ليه؟ هي امك مدمنة - [00:10:38](#)

هي مجملته؟ لا ده مش ادمان ده اسمه تعود دي اسمها من العادة ماشي؟ فاسمها ايه؟ خدتي وشك واسمها تعود اسمها ايه؟ تعود. التعود ده حاجة الانسان مع الوقت عمل لها متلازمة فراغ - [00:10:59](#)

بس هي مش موجودة في الحقيقة اسمه ايه يا بنات؟ اسمه ايه؟ ده اللي هو الايه؟ التعاون. التعاون. ده التعود ده؟ من الالف الانسان الف حاجة اللي بيكررها كتير فبدأ ايه؟ يألفها. فانت في الطلعة شايفة عتريس في الدخلة شايفة عتريس في الدرس معك يا عتريس في المدرسة معك يا عتريس - [00:11:18](#)

باريس فبتحس ان الواد عتريس ده واد حليوة وعسل وتما مية مية وينفع وزوج المستقبل وتشوفيه في الاحلام لابس ابيض في ابيض راكب حصان ابيض وعمال يعمل الحركات الهبله دي. خلاص - [00:11:38](#)

المعلم عاد بنسبة ما يتصدعش يعني ما يتنضرش اصلا. بس هو الموضوع جه منين؟ اهو خلقة بتشوف فيها كل ما تطلعي من بيتك فخلاص بقى دلوقتي تحس انها خلقة حلوة وهي لها حلوة وانه بني ادم كويس ولا كويس ولا مش حلو ولا ولزلك من الحاجات اللي كانت بتوجع قلبي اوي بتزعلي جدا. اني اجد مسلا بنوثة يعني - [00:11:48](#)

اه يعني زي واحدة منكم تكون بنوثة محترمة ومن بيت محترم وبنوثة مؤدبة قوي وتروح مسلا تشبك مع عيل صايع تشبك مع يعني ليه جت منين دي من التعاون. طيب في سبب ثاني مهم جدا - [00:12:08](#)

الفراغ الفراغ الفراغ العاطفي ما فيش حاجة واحدة كده بعدم شاعر من الشعراء بتاع العرب زمان بيقولوا له هو انت حبيت الولية دي ازاى لي مكتنوضش يعني دي تحبها ازاى دي فقال لهم اتاني هواها قبل ان اعرف الهوى فصادف قلبا خاليا فتمكنت - [00:12:27](#)

يعني انا قلبي ركز ركز ركز. انا قلبي فاضي ما فيش اي حاجة. فاي حاجة هترشق فيه يبقى قال المعلم ده قال ايه؟ قال الثاني هواه طب لان عارف الايه؟ الهوى فصادف قلبا ايه؟ خاليا في هذا المكان. قلب فاضي ما فيش اي حاجة في اي حاجة - [00:12:52](#)

هيرسق فيه حمو بيكا وينشأ فيه حسن شاكوش ويرشق في العيال الهايفة دي. لانه ما له؟ قلب فضة. انما القلب بقى القلب اللي فيه محمد صلى الله عليه وسلم. وفي ابو بكر وفي عمر وفي خديجة وفي عائشة وفي فاطمة. وفي قبل كل دول الله - [00:13:12](#) اللي فيه بالنور ده ما تخشوش ضلمة اللي فيه النضافة دي انا اسف ما تخشوش هو القلب كده القلب اللي عامر ببساطة ببساطة يا بنات دلوقتي معلش معلش النهاردة لو في قاعة دلوقتي ما فيهاش مكان رجل لقيت فيه - [00:13:30](#) بس هنا وانتم قاعدين على الكراسي كلها والكراسي اللي وراء مليانة وفيه واحدة جت تدخل من الباب ده هتلاقي مكان تقعد فيه؟ هيحصل لها ايه؟ هتمشي من نفسها من نفسها - [00:13:52](#)

يعني بصرف النزر هي حلوة ولا وحشة بس هتمشي من ايه؟ من نفسها انتم لما بتبقى قلوبكم فاضية طب دخلت القاعة ما لقتش حد هتعمل ايه؟ ما هتعيش حياتها. تقعد هنا شوية وهنا شوية وتقعد لا لا مش هتقعد لا تقعد وتتمتع بقى ده هتقعد زي ما تشوف - [00:14:02](#)

الناس ايه؟ في القطر اللي هو ايه؟ واحد بقى كده ما فيش حد هيبجي عامل كده. نعمل رجليه. ده ده المزارع الطافح شفته في الطائرة. كنت مسافر المغرب ولقيت واحد ايه؟ واخد كرسيين كده - [00:14:17](#) ونايم عليه انتم عملتم زي القطر انتم عملتم طائرة قطرا! ما هو بقى الكراسي ايه؟ الطائرة كانت فاضية. فبقى قاعد بقى ومرحرح. فلما ييجي مع معلم عتوبيس ويلقي قلب فاضي هيعمل ايه؟ هيقعد مرحرح - [00:14:27](#) يبقى سببين سببين. السبب الاولاني ايه تعود ايوه تعود. الانسان يتعود على اي حاجة. بصي معلش لا مؤاخزة يعني ممكن تكون الحاجة ما بتعرفش تطبخ اكلها مش حلو اوي ولا حاجة - [00:14:43](#)

والدتك مسلا اكلها مش حلو بس انت خدتي على اكل امك فتروح للواحدة صاحبتك امها تطبخ احسن من امك بكتير. بس ايه ده! ايه ده! انتم انتم عاملين لك العاتق كده ليه! عشان هم قالوا مالح. والله! بيحصل - [00:15:01](#) معنا احنا كرجالة انا متعود على اكل امي واخوتي. لما تيجي مراتي لو زي امي امين مش زي امي تبقى مش حلوة. حتى لو احسن من اكل امي مفهوم؟ اللي هو ايه فكرة التعود؟ انا اتعودت على الحاجة. حلوة وحشة اتعودت عليها. فطالما اتعودت عليها الفتها خلاص. بقت بالنسبة لي مألوفة. وانتم - [00:15:16](#)

بقى بتعيشوا بقى يعني اساتذة في الافورة اول بس ما تبدأ تحس انها بتألف على انا بحب العتريس يا بابا مش هعرف اعيش من غيره انا ممكن اموت لو ما اتجوزتش يا عتريس واياه الواد يا عتريس ده تلاقيه معلق اربع خمس بنات تانيين - [00:15:35](#) ماشي؟ وهي كده جاية في السكة وخلاص. ومتخيلة بالنا ده عتريس مخلص لي وانا مخلص لك وانا مش مخلص لك بس الجو اللي هو يرجع الهبل بقى اللي هو العاطفة اللي موجودة زي ما اتكلمنا في الحلقة بتاعة الحب كده العاطفة اللي موجودة عندك انت ما بتخليهاش تلزم حدودها. تتجاوز - [00:15:49](#)

حدود الله ولزلك ولزلك مسلا انت لما تزوجي مش عارف تمشي مع المعلم عتريس ده وفي الاخر يديكي زومبا ويروح يمشي مع البت صاحبتك فواحد تاني نيجي قايلة لك ايه؟ لا انت انت اصلا انت اللي غلطانة. ما يستاهلش مشاعرك الجميلة. طب ما انت من الاول يا ناصحة افهمي - [00:16:08](#)

ان ما حدش يستاهل مشاعرك الجميلة دي الا الحلال لازم يعني تاخدي زومبا عشان خاطر تقولي تاخدي زومب يعني. ما اعرفش ايا كان. المهم اتضحك عليك يعني. لازم يعني يتضحك عليك عشان خاطر - [00:16:29](#)

تفهمي في الاخر ان انت مشاعرك الجميلة ما كان ينبغي انها تصرف الا في حاجة صح لازم يعني يحصل الكلام ده؟ ما علينا طيب فاحنا كنا بنقول لا اله الا الله لا اله الا الله تستلزم منك ايه؟ انك تكوني مخلصه ايه؟ لله. اما ان تبقي زي ما ربنا قال كده في اخر سورة الانعام - [00:16:44](#)

قل ان صلاتي ونسكي ومحياي ومماتي لله رب العالمين. لا شريك له وبذلك امرت وانا اول المسلمين. انا كلي بتاع ربنا. احنا ايه يا جماعة اللي بتحصل عندنا مصيبة عشان خاطر نهدي نفسنا بنقول ايه؟ بنقول انا لله وانا اليه ايه؟ راجعون. يعني انا بتاعة ربنا

وراجعة لربنا. هو انا زعلانة ليه - 00:17:07

يعني مسلا ربنا يقدر عليك ان مسلا يعني يتوفى والدك او توفى والدتك او حد بتحبيه. احنا بنصبر نفسنا بابه فكنا بنقول المفروض ان لا اله الا الله تستدعي ايه؟ الاخلاص لله. ان انت حياتك كلها كل ربنا ان صلاتي ونسكي ومحياي - 00:17:26

ومماتي ايه؟ لله رب العالمين. لا شريك له. وبذلك امرت وانا اول المسلمين. وده يخلينا نعيش على معنى انا لله احنا لمين ربنا وانا اليه ايه؟ راجعون. فلما بيحصل حاجة حاجة مسلا مصيبة ولا حاجة تتاخذ منك سواء كان حد عزيز عليك او - 00:17:44

حاجة عزيزة عليك بتقولي ايه؟ بتصبري نفسك به. بتصبري نفسك بها ازاى؟ انا هوضح لك الموقف. هوضحه لك بحاجتين. بمسال موجود معنا في الواقع. والقصة حصلت مع امرأة سالحة يا ريت تكونوا زيها - 00:18:04

مش بس سالحة امرأة عاقلة. طيب المثال اللي في الواقع ده بيقول انا جيت واخد الموبايل ده ماشي؟ وانا مسلا انا مسافر رايح تركيا مسلا رايح المغرب رايح الصين. مسافر بلاش الصين دلوقتي. مسافر رايح حطة من الحتت دي وايه وانا مش هحتاج الموبايل ده

ما بيشتغلش هناك. مسلا سيد ايفون مسلا - 00:18:17

الايفون ده في الغالب بيشتغل لوكل يعني في في المكان او المنطقة اللي هو فيها. فده ايفون مش هستعمله. فانا قلت لك وليكن

عايزين المسال قلت لك يا مريم خدي الايفون ده خليه عندك - 00:18:37

حببت تستعمليه يا مريم استعمليه ما فيش مشكلة خالص يعني كده كده اعلمي له بس اعادة ضبط مصنع عشان في حاجات تخصني واستعمليه ما فيش مشكلة. بس مريم انا ممكن احتاجه في اي وقت اخده - 00:18:47

وممكن يعني انا مسلا ممكن احتاجه لحد فابعت يخرج ماشي؟ قلت لي لأ ما فيش مشكلة براحتك يا دكتور ده ده موبايلك يعني ده

جزاك الله خير انت ايه سايبه لي وانا بستعمله. تمام. آآ - 00:18:57

مريم استعملت الايفون شهر والثاني والثالث. وانا مسلا ابن اختي قال لي ايه؟ قال لي يا خالي انا كنت محتاج موبايل ضروري. آآ

عشان خاطر كذا كذا كذا ما بعرفش اتواصل مع ماما ومش عارف ايه وبتاع. قلت له طب استنى - 00:19:07

تقريبا انا عندي ايفون تعطيه مريم فراح لمريم قال لها يا مريم لو سمحتي خالي بيقول لك احنا انا عايز الايفون مني انا اتعودت عليه

ده بتاعي وتقعده بقى دايم دموع دموع وتعيش حياتها - 00:19:17

من حقها تعمل كده؟ ليه؟ ده بالعكس ده تقول له قل قل لخاله جزاكم الله خيرا انه سابه لي مين؟ المدة دي كلها بستعمله ايدي

واضحة كل اللي عندنا من النعم مش بتاعنا - 00:19:33

هو انت اللي رحت اشتريت ابوك ده من سوق الاباء ولا انت اللي روحتي دفعتي في امك وآآ جبتها من على سوق دوت كوم اولاً

احنا كل اللي احنا نملكه - 00:19:51

مش بتاعنا هو اصلاً بتاع مين؟ بتاع ربنا فربنا ياخده في الوقت اللي يحبه يتركه في الوقت اللي يحله. يعني ايه بقى يعني هو بقى

ياخد ويترك كده لأ بياخد في الوقت المناسب لنا - 00:20:02

ويترك في الوقت المناسب له. في اوقات حاجات لو فضلت موجودة في حياتنا كانت هتأذينا وفي حاجات لو خدنا من حياتنا

التعويض اللي هيعوضنا به اكبر بكثير من اللي خدوه - 00:20:20

وفي حاجات بيبقى خدنا اختبار لنا. بيشوفنا بنحبه هو اكثر ولا بنحب الحاجة اكثر بيشوفنا واسقين في قسمته ولا مش واسقين في

قسمته مش ربنا قال نحن غسلنا ولا انت اللي قسمتي ولا انا نحن قسمنا بينهم معيشتهم في الحياة الدنيا. وانا كنت قلت الكلام ده

لولاده وبأكد عليه معكم. قسمة يعني فيها عظمة - 00:20:35

قسما يعني فيها حكمة. قسمة يعني فيها رحمة قسمة يعني فيها نعمة. كم حاجة؟ تاني قسمة يعني فيها ايه؟ عزمة من الاول. عزمة؟

اه. قسمة يعني فيها ايه؟ بالترتيب حكمة. يعني قسمة عظيمة اعظم - 00:21:00

قسمة ممكن تتصور قسمة حكيمة وضع الشيء في موضعه قسمة فيها رحمة بنا فيها حنان علينا واحسان الينا قسمة فيها نعمة هي

نعمة من الله علينا بس احنا اللي مش مدرकिन الكلام ده - 00:21:20

لا بس بص بقى بصراحة اصل انا كنت عايزة يعني ربنا يزودني من كزا ويزودني من كزا وانا اصل انا اشمعنى صاحبتى فلانة ما شاء الله عندهم فلوس وعندهم مش عارف عندهم عربية كزا وعندهم - [00:21:41](#)

معذور طيب انت عارفة ايه اللي هيحصل بكرة طب انت عارفة لو معك فلوس هتعملي ايه انتي ضامنة نفسك؟ ايوة انا ضامنة نفسي خد بالك. انا اسف شوية كداب انتي مش ضامنة نفسك - [00:21:51](#)

على الاقل لو مسلا واحد يقول لك لأ طب بص ربنا يديني مليون جنيه وهيشوف هيعمل ايه بالمليون جنيه. انا هطلع منها واودي منها. خلصت المليون جنيه. انت معك عشرة جنيه في جيبك. بتطلعي منها كم - [00:22:06](#)

ولا عشر قروش. صح؟ اجيب الشيبسي واجيب مش عارف ايه واجيب كزا. تفتكر ربنا يبقى لو معك مليون جنيه ما تطلعيش اصل هو كل زيت هو مبدأ مش كمل ومبدأ المبدأ مش حاضر - [00:22:16](#)

المبدأ مش حاضر. اخوك الصغير اللي عمل جمعية ومعه خمسين جنيه. وقلنا لا الخمسين جنيه في جيبه. قال لي انا هجيب لماما هدية بعشرة جنيه واجيب لماما هدية بعشرة جنيه واجيب لاختي اه اه ميت هدية بعشرة جنيه - [00:22:36](#)

وانا العشرين جنيه اجيب بها حاجة هو البني ادم ده انا يبقى معه خمسمية جنيه هيعمل كده. لما معه خمسين الف هيعمل كده مبدأ مفهوم الاسلام عشرة فساتها تحمدي ربنا ان الدنيا ماشية كده. يا رب اديه لي بقى. بيقول ولو بسط الله الرزق لعباده. لبغوا في الارض. ولكن ينزل بقدر ما يشاء. ليه - [00:22:46](#)

انه بعباده خبير بصير. هو يعرفها منك والله يعلم وانتم لا تعلمون بالعكس في اوقات ربنا هيديك الحاجة القليلة. عشان يشوفك بتحببه واكثر اللي بتحبي الحاجة اكثر اللي هو انت مع كل ما باباك يبجي من بره بتقابليه تميلي عليه وتبوسيه وتحضنيه وتقول له وحشتيني يا حبيبي ومش عارف ايه وبتاع وبعديها كنت عايز اتعشى به - [00:23:08](#)

طيب جه في مرة ما ادانيش العشرة جنيه ما عملتيش كده هو الفعل مسلا متعود يجي مسلا تقولوا بابا كنت عايز العشرة جنيه فاديها لي حبيب قلبي ومش عارف ايه وتيجي تبوسيه ومش عارف ايه وتحضنيه وتماه زي الفل تمام كده - [00:23:32](#)

جه في مرة قال له انا مش هديله. قال لي ما عيش فلوس ومعني مش هديكي هو هو هو يقدر يدك بس بس قال كده ليه؟ عمل كده ليه شوفي هتعملي ايه - [00:23:47](#)

قومي يا بابا بقى خلاص يا بابا خلاص زوجتي ماشية ما تستاهلش تاخدي تاني هو انت ما تحبيهوش تحترميه وتقبلي ايده الا عشان خاطري مرة ثانية يعمل حاجة ثانية يقول لك اه بصي يا مي انا مش كفاية اني خدي جنيه - [00:24:04](#)

تقول له عايز عشرة جنيه هو كفاية من؟ يقول له يا بابا بقى مش عارف ايه ببيختبى. شف انت هترضي بالجنيه ولا لأ؟ عشان لو رضيت به هيديكي مية جنيه مش جديد - [00:24:25](#)

النبي اللي قال كده صلى الله عليه وسلم قال ان ربنا احيانا يدينا الحاجة قليلة. بس عشان يخبترنا لو رضينا بيعمل ايه؟ يبارك لنا فيها لو سخطنا احنا ما نستاهلش اصلا - [00:24:35](#)

فهمتم يا بنات ولذلك طالما قسمة من عند الله يبقى القسمة دي فيها ايه؟ فيها العظمة وفيها؟ الحكمة وضع الشرك في موضوع وفيها ايه الرحمة وفيها؟ النعمة مفهوم طيب لو انا فهمت الكلام ده بقى النهاردة ربنا قسم لك اداك حاجات قال لك خد يا فلانة يا فلانة بس قال لك الحاجات دي بتاعتك على طول - [00:24:46](#)

لا عادي ده ما انت عارفة انك هتموتي اصلا. وتسيبي الحاجات دي اساسا ربنا اسمه الوارث يعني يورث ويرث دي حنة الارض اللي احنا قاعدين عليها دلوقتي دي بي يوما ما كان فيه ناس فيها صح؟ بلاش كان فيه ناس فيها. كان فيه اي مخلوقات فيها. حتى لو كان فيها تعابين وعقارب. كان فيها مخلوقات - [00:25:12](#)

مين اللي بيورس الناس؟ الله ربنا بيقول واورثكم ارضهم وديارهم يعني ربنا اللي بيورث هو يرث ويورث سبحانه الله وبحمده. طيب يبقى بنات مفهوم انا لله وانا اليه راجعون. يعني كل اللي عندك ده - [00:25:36](#)

ربنا وانت ملك لربنا ده اللي احنا بنسميه شعور التملك الزائف ان انا احس انها ملكي ده مش ملكي اصلا - [00:25:55](#)